



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Miseria eorum, qui ægrè ferunt, sibi aliquid deesse, & Plutum, vt Deum adorant.

urn:nbn:de:hbz:466:1-45699

M. Minut.
Fel. in Ora-
rio.

sufficit illud apponere, quod Ethnici paupertatem, adeoque & vilitatem Christiano gregi obijcentibus, M. Minutius Felix respondit. Ceterum, quod pleriq; pauperes dicimur, non est infamia nostra, sed gloria. Animus enim ut luxus soluitur, ita frugalitate firmatur. Et tamen quis potest pauper esse, qui non eget, qui non inhibat alieno, quis Deo dives est? Magis pauper ille est, qui cum multa habeat, plura defiderat. Dicam tandem quemadmodum sentio: nemo tam pauper potest esse, quam natus est. Aues sine patrimonio viuunt, & in diem pascua paescuntur: & hac nobis tamen nata sunt: quae omnia si non concupiscimus, possidemus. Igitur, ut qui viam terit, eò felicior, quo leuior incedit: ita beatior in hoc itinere viuendi, qui paupertate se subleuat, non sub diuitiarum onere suspirat. Et tamen facultates, si utiles putaremus, à Deo posceremus utique indulgere posset aliquantum, cuius est totum. Sed nos contemnere malum opes, quam continere: innocentiam magis cupimus, magis patientiam flagitamus: malum nos bonos esse, quam prodigos.

X.

3, Reg. 21, 3.

Ex triplici hac hominum classe, tria licet colligere. Ex prima, quia sunt qui egent, sed inuiti, eam ipsam ob caussam eos meritò egere, ut doleant, quia volunt inde dolere, vnde alij commodum accipiunt, alij etiam sentiunt animi voluptatem. Paupertate enim alij ex virtute contenti sunt, alij etiam delectantur, auari autem cruciantur. Qui quantumcumque habeant, tamen pauperes sunt, immò miseri, quam diu non habent, quod concupiscunt. Vis exemplum? Vinea erat Naboth Iezrahelita, qui erat in Iezrahel, iuxta palatium Achab regis Samaria. Locutus est ergo Achab ad Naboth, dicens: Da mihi vineam tuam, ut faciam mihi hortum olerum, quia vicina est, & prope domum meam, daboq; tibi pro ea, vineam meliorem: aut si commodius tibi putas, argenti pretium, quanto digna est. Cui respondit Naboth: Propitiū sit mibi Dominus, ne dem hereditatem patrum meorum tibi. Venit ergo Achab in domum suam indignans, & frendens super verbo, quod locutus fuerat ad eum Naboth Iezrahelites, dicens: Non dabo tibi hereditatem patrum meorum. Et proyciens se in lectulum suum, auertit faciem suam ad parietem, & non comedit panem. Vide mihi diuitem pauperem, vide regem egentem; vide viribus integris in lecto iacentem, vide indignantem & frendentem, nec comedentem! quid miserius hoc homine? Quid eum cruciat?

pauper,

paupertas? immo propria cupiditas. Habuisset satis, si quidquam auaro potuisset esse satis. Fuit rex Samariæ, & eguit, quia non fuit Dominus vineæ. Quid ergo Mundi Rector facere debuisset? an oportuisset innocentii Naboth nihil dare, regi omnia? Achab accepit regnum, & contentus non fuit, quia non accepit etiam olerum hortum. Naboth caruit regno, contentus horto, quis dignus fuit hortum habere? nonne ille, qui paruo contentus fuit? Apud Laërtium Socrates quosdam hospites tenui corna exceptit, querenti cur ita fecisset; respondit: *Si boni sunt, aequaliter ferent, si mali, non est curandum;* neque enim vel hoc ipso digni sunt, quo eos excepti. Ita Deus, quibus moderatas in hoc mundo tribuit opes, si boni sunt, tribuit sufficientes, aiunt enim, *habentes alimenta, & quibus tegamur, his contenti sumus;* sin autem mali sunt, non est curandum; quia nec digni sunt, qui communem aërem hauriant, aut quos terra portet. Apparet igitur, quos non tam paupertas, quam suam voluntas miseros faciat; ardent enim infatibili cupiditate, & illud sitiunt, quod alij contemnunt. Hinc paupertatem putant esse calamitatē, & Aurum adorant ut Deum, Plutumque maximum Numen arbitrantur. Hinc illorum cantilenæ est:

*Quisquis habet nummos, secura naniget aura,
Fortunamq; suo temperet imperio.
Vxorem ducat Danaen, ipsumq; licebit
Acrisum iubeat credere, quod Danaen.
Carmina componat, declamet, concrepet, omnes
Et peragat caussas, sitq; Catone prior.
Iurisconsultus, paret, non pareret, habeto,
Arque esto, quidquid Seruius & Labeo.
Multæ loquor: quidquid nummis presentibus opta,
Et veniet: clausum possidet arca Iouem.*

Ex altera hominum classe colligo, paupertatem, seu orbitam rerum esse calamo, aut penicillo, aut cuivis instrumento similem. Qualis is est, qui eo vtitur, tale opus producit. Da calamum puer, & tales characteres formabit, quales gallina scalpit in arenis. Si scriba peritus calatum ducat, litteras dabit Iouis tabellæ dignas. Penicillum porrige ei qui chiragrâ laborat, ex Gratijs Fu-

1. Timoth. 6,

8.

Petron. Ar-
bit. in Satyr.

XI.